



Na osnovu člana 15. Zakona o principima lokalne samouprave u Federaciji BiH ("Službene novine FBiH", br. 46/08 i 51/09), člana 12., 16. i 17. Zakona o poticaju razvoja male privrede ("Službene novine Kantona Sarajevo", br. 29/15), člana 57. Statuta Općine Ilijaš – prečišćeni tekst ("Službene novine Kantona Sarajevo", broj: 20/09 i 46/18) i člana 6. Odluke o podsticaju prema pojedinim djelatnostima fizičkih lica (obrtima i obrtu srodnim djelatnostima) početnicima u biznisu u 2025. godini ("Službene novine Kantona Sarajevo", br. 27/25), Općinski načelnik na prijedlog Službe za privredu i finansije Općine Ilijaš, **d o n o s i:**

P R A V I L N I K

o uslovima, kriterijima i postupcima u provođenju Odluke o podsticaju prema pojedinim djelatnostima fizičkih lica (obrtima i obrtu srodnim djelatnostima) početnicima u biznisu u 2025. godini

OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupci u provođenju Odluke o podsticaju prema pojedinim djelatnostima fizičkih lica (obrtima i obrtu srodnim djelatnostima) početnicima u biznisu u 2025. godini (u daljem tekstu "Odluka o podsticaju").

Član 2.

Cilj podsticaja iz člana 1. ove Odluke je podrška pojedinim djelatnostima fizičkih lica (obrtima i obrtu srodnim djelatnostima) početnicima u biznisu u 2025. godini u nabavci nove dugotrajne imovine (mašina, alata i opreme), radi povećanja zaposlenosti i uvođenja savremenih tehnologija.

KORISNICI PODSTICAJA

Član 3.

Korisnici podsticaja su djelatnosti fizičkih lica, registrovane u skladu sa Zakonom o obrtu i srodnim djelatnostima ("Službene novine FBiH", br. 75/21), kao osnovno zanimanje na području Općine Ilijaš izuzimajući djelatnosti iz oblasti: poljoprivrede i saobraćaja (taksi prijevoz, autoprijevoz, auto škole i sl.), sa prijavljenim početkom rada u periodu 01.01.2025. godine do 31.12.2025. godine, koje ispunjavaju uslov kontinuiranog obavljanja djelatnosti u trajanju od minimalno 3 (tri) mjeseca od dana prijave početka rada (obavljanja djelatnosti).

Korisnici podsticaja ne mogu biti lica koja su u prethodnom periodu od 12 (dvanaest) mjeseci od dana podnošenja prijave izvršila odjavu djelatnosti, koja je bila registrovana na području Općine Ilijaš u skladu sa Zakonom o obrtu i srodnim djelatnostima kao osnovno zanimanje, izuzimajući: djelatnosti iz oblasti: poljoprivrede i saobraćaja (taksi prijevoz, autoprijevoz, auto škole i sl.).

Korisnici podsticaja ne mogu biti lica koja koriste aktivnu podsticajnu mjeru drugog nivoa vlasti po bilo kojem osnovu u momentu prijave na Javni poziv.

Korisnici podsticaja su dužni priložiti Izjavu o visini korištenih "de minimis" pomoćima i drugim državnim pomoćima u BiH.

POSTUPAK OSTVARIVANJA PRAVA NA PODSTICAJ

Član 4.

Korisnici ostvaruju pravo na podsticaj putem Službe za privredu i finansije Općine Ilijaš na osnovu Javnog poziva, koji će biti otvoren kontinuirano počevši od dana njegove objave do 31.12.2025. godine.

Javni poziv bit će objavljen na zvaničnoj "web" stranici Općine Ilijaš (www.ilijas.ba), kao i na zvaničnim Facebook i Instagram stranicama, te na oglasnoj tabli u prostorijama Općine Ilijaš.

Za datum objave Javnog poziva smatra se dan kada je isti objavljen na zvaničnoj "web" stranici Općine Ilijaš i društvenim mrežama Općine Ilijaš.

Tekst Javnog poziva će biti pripremljen u roku od 15 (petnaest) dana od dana stupanja na snagu ovog Pravilnika putem Službe za privredu i finansije. Sastavni dio Javnog poziva je i Obrazac zahtjeva za ostvarivanje prava na podsticaj.

Pravo na podsticaj utvrđuje Služba za privredu i finansije donošenjem Rješenja o dodjeli podsticaja nakon čega Općinski načelnik zaključuje Ugovor o podsticaju sa korisnikom podsticaja.

Ocjenu ispunjenosti uslova za dodjelu podsticaja prema svakom aplikanatu ponaosob, odnosno provjeru uslova za donošenje Rješenja o podsticaju putem Službe za privredu i finansije, te u daljem postupku kontrolu pravednosti dodijeljenih podsticajnih sredstava uz praćenje implementacije pojedinačnih Ugovora o podsticaju će provoditi Komisija imenovana od strane Općinskog načelnika.

Član 5.

Korisnik podsticaja mora ispunjavati propisane uslove utvrđene Odlukom o podsticaju i ovim Pravilnikom.

Dokazi koji se pribavljaju putem Službe za privredu i finansije po službenoj dužnosti su sljedeći:

- a) Rješenje o registraciji djelatnosti fizičkog lica u skladu sa Zakonom o obrtu i srodnim djelatnostima ("Službene novine FBiH", br. 75/21)
- b) Uvjerenje Službe za privredu i finansije da aplikant (fizičko lice) u proteklom periodu od 12 (dvanaest) mjeseci nije odjavio djelatnost koja je bila registrovana na području Općine Ilijaš u skladu sa Zakonom o obrtu i srodnim djelatnostima kao osnovno zanimanje, izuzimajući djelatnosti iz oblasti: poljoprivrede i saobraćaja (taksi prijevoz, autoprijevoz, auto škole i sl.)
- c) Uvjerenje Službe za privredu i finansije da je registrovana djelatnost aktivna (nije izvršena trajna ili privremena odjava obavljanja djelatnosti) na dan podnošenja prijave na Javni poziv
- d) Uvjerenje Službe za privredu i finansije da je registrovana djelatnost aktivna (nije izvršena trajna ili privremena odjava obavljanja djelatnosti), po isteku perioda od 3 (tri) mjeseca od dana izvršenja I (prve) tranše finansiranja, što je potrebnii uslov/dokaz za izvršenje II (druge) tranše finansiranja.

Dokazi koje korisnik podsticaja (aplikant, odnosno vlasnik obrta ili obrtu srodne djelatnosti) prilaže u postupku prijave na Javni poziv ili po obavijesti/pozivu o ispravci zahtjeva/podneska su sljedeći:

- e) Izjava aplikanta o visini korištenih "de minimis" pomoćima i drugim državnim pomoćima u BiH (uz obaveznu ovjeru potpisa aplikanta, davaoca Izjave kod nadležnog organa uprave ili notara)
- f) Izjava aplikanta da nije korisnik aktivne podsticajne mjere drugog nivoa vlasti po bilo kojem osnovu u momentu prijave na Javni poziv (uz obaveznu ovjeru potpisa aplikanta, davaoca Izjave kod nadležnog organa uprave ili notara)

- g) Izjava aplikanta da će doznačena podsticajna sredstva iskoristiti najkasnije do 31.12.2025. godine u svrhu nabavke nove dugotrajne imovine poštujući odredbe člana 7. ovog Pravilnika ili izjava aplikanta da je tokom 2025. godine već nabavio novu dugotrajnu imovinu koja je adekvatna odredbama, odnosno koju će koristiti poštujući odredbe člana 7. ovog Pravilnika
- h) Uvjerenje o poreznom identifikacionom broju – ID broj (ovjerena kopija)
- i) Bankovni račun registrovane djelatnosti na koji će se doznačiti podsticajna sredstva (Ovjerena kopija potvrde/uvjerenja banke)
- j) Prijava na obavezno osiguranje aplikanta u Poreznoj upravi FBiH (Ovjerena kopija obrasca JS 3100).

Član 6.

Doznaka sredstava korisnicima podsticaja, uz uslov ispunjenosti propisanih kriterija utvrđenih Odlukom o podsticaju i ovim Pravilnikom, vrši se kroz dvije tranše finansiranja:

- I (prva) tranša u iznosu od 3.500,00 KM doznajuje se u početnoj fazi biznisa u roku od 7 (sedam) dana od dana pravosnažnosti Rješenja o dodjeli podsticaja,
- II (druga) tranša, u preostalom iznosu do maksimalnog ukupnog iznosa podsticaja, doznajuje se nakon isteka 3 (tri) mjeseca od dana podnošenja izvještaja sa dokazima o nabavci nove dugotrajne imovine (mašine, alati, oprema), uz uslov kontinuiranog obavljanja djelatnosti, što znači da nije izvršena trajna ili privremena odjava obavljanja djelatnosti u momentu doznake II (druge) tranše finansiranja.

Ukupan iznos podsticaja po osnovu obje tranše finansiranja može iznositi maksimalno 5.000,00 KM, s tim da korisnik podsticaja nije obavezan iskoristiti puni iznos. U slučaju da je vrijednost nabavljene dugotrajne imovine u toku 2025. godine manja od 5.000,00 KM, odobrava se manji iznos podsticaja od 5.000,00 KM na osnovu dostavljenog izvještaja i pratećih dokaza o izvršenoj nabavci (računi/fakture dobavljača uz dokaz o izvršenom plaćanju).

Neispunjenje uslova za doznaku II (druge) tranše finansiranja ne obavezuje korisnika podsticaja na povrat prethodno doznačenih sredstava I (prve) tranše finansiranja, pod uslovom da je nabavkom dugotrajne imovine opravdao ukupno doznačena sredstva iz I (prve) tranše finansiranja.

Nezadovoljna stranka ima pravo izjaviti žalbu Drugostepenoj Komisiji Općinskog vijeća Ilijaš u roku od 8 (osam) dana od dana dostavljanja prvostepenog akta: Rješenja kojim se odobrava ili odbija podsticaj, ili Zaključka kojim se obustavlja postupak utvrđivanja prava na podsticaj.

Žalba se podnosi putem organa koji je donio prvostepeni akt, i to: neposredno, usmeno na zapisnik ili poštom preporučeno.

OBAVEZE KORISNIKA PODSTICAJA

Član 7.

Korisnik podsticaja je u obavezi dodijeljena finansijska sredstva opravdati kroz nabavke nove dugotrajne imovine u toku 2025. godine sa ciljem obavljanja registrovane djelatnosti, uz zabranu upotrebe iste u sljedeće svrhe:

- djelatnost u sektorima ribarstva i akvakulture;
- djelatnost u sektoru poljoprivrede;
- djelatnost usmjerena izvozu, odnosno djelatnost direktno povezana s izvezenim količinama, s uspostavom i funkcionisanjem distributivne mreže ili s drugim tekućim troškovima povezanim s izvoznom djelatnošću;

- uslovljavanje upotreba domaćih proizvoda umjesto uvezenih;
- nabavku dugotrajne imovine vezane za održavanje ili upotrebu vozila za cestovni prijevoz tereta, odnosno nabavku mašina, alata i opreme koji se mogu koristiti u svrhu obavljanja prijevoza za potrebe obavljanja registrovane djelatnosti.

Općina Ilijaš će sa korisnicima podsticaja sklopiti pojedinačne Ugovore o međusobnim pravima i obavezama, koji će sadržavati sljedeće bitne elemente: iznos sredstava koja se dodjeljuju korisniku podsticaja, namjene korištenja sredstava, rok za utrošak sredstava, način i rok izvještavanja, te sankcije za nepoštivanje Ugovora.

NAČIN PODNOŠENJA PRIJAVA

Član 8.

Prijava na Javni poziv se ostvaruje podnošenjem uredno popunjenog i potpisanog Obrasca zahtjeva za ostvarenje prava na podsticaj. Prijem zahtjeva se vrši putem protokola Općine Ilijaš, na adresi: ul. 126.ilijaške brigade br. 16, Ilijaš.

Aplikant koji nije priložio potrebne dokaze iz člana 5., tačke e), f), g), h), i) i j) ovog Pravilnika u momentu podnošenja Zahtjeva za ostvarenje prava na podsticaj ima pravo na dopunu podneska, tako što će biti pozvan putem Službe za privredu i finansije, da u datom roku ne dužem od 10 (deset) dana, od dana prijema obavijesti, otkloni utvrđene nedostatke.

Član 9.

OSTALE ODREDBE

Općina Ilijaš ne snosi troškove aplikantata, koji su nastali u postupku prijave na Javni poziv. Općina Ilijaš ne snosi odgovornost u vezi sa radnjama koje je aplikant poduzeo u postupku prijave na Javni poziv.

Prispjela dokumentacija uz prijavu na Javni poziv se ne vraća aplikantu.

ZAVRŠNE ODREDBE

Član 10.

Ovaj Pravilnik stupa na snagu danom donošenja.

Broj: 01/2-11-1563/25
Ilijaš: 16.07.2025. godine



OPĆINSKI NAČELNIK

Amar Dovadžija
Amar Dovadžija

Dostaviti:

1. Za objavu putem web stranice Općine
2. Za objavu na Oglasnoj tabli Općine
3. Odsjek za finansije, Služba za privredu i finansije
4. a/a